



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De vasis sacris, de palliis altaris, & velis Ecclesiae si vetustate consumpta fuerint, quid inde faciendum sit. ccxvi.

urn:nbn:de:hbz:466:1-10722

vasa non ab aliis quam à sacratis, dominoque dicatis con-
tractentur hominibus. Indignum enim valde est, vt sacra
domini vasa, quęcunque sunt, humanis vsibus seruiant, aut
ab aliis quam à domino famulantibus etque dicatis tra-
ctentur viris, ne pro talibus præsumptionibus iratus do-
minus plagam imponat populo suo, & hi qui etiã nõ pec-
cauerunt, mala patiantur, aut pereant: quia perit iustus sa-
pissimè pro impio. Attendite fratres, ne talia vestris in ec-
clesiis permittatis deinceps fieri, ne grex precioso sangui-
ne Christi redemptus, in præcipitium, quod absit, ruat.

*De sacratis sceminis quę sacra vasa & pallas altaris
tractare præsumserint. Cap. CCXV.*

Sacratis Deo sceminas vel monachas sacra vasa, vel sa-
cras pallas penes vos contingere, & incensum circum
altaria deferre perlatum est ad apostolicam sedem. Quę
omnia reprehensione & vituperatione plena esse nulli
rectè sapientium dubium est. Quapropter huius sanctę
sedis autoritate hæc omnia vobis resecare funditus, quan-
tocius poteritis, censemus: & ne pestis hæc latius diuulge-
tur, per omnes prouincias abstergi diutissimè mādamus.

*De vasis sacris, de pallis altaris & velis Ecclesię, si
vetustate consumpta fuerint, quid inde facien-
dum sit. Cap. CCXVI.*

De vasis sanè sacris ita gerendum est. Altaris palla, ca-
thedra, candelabrum, & velum, si fuerint vetustate
consumpta, incendio dentur: quoniam non licet ea quę in
sacrario fuerunt, malè tractari, sed incendio vniuersa tra-
dentur. Cineres quoque eorum in baptisterium inferan-
tur, vbi nullus transitus habeatur, in pariete, aut in fossis
pauimentorum iactetur, ne introeuntium pedibus inqui-
nētur. Pallas verò & vasa quę in sanctuarij sordidata fue-
rint in ministerio, diaconi cum humilibus ministris intra sa-
crarium lauent, non eiicientes foras à sacrario velamina
dominicę mensę, ne forte puluis dominici corporis ma-
lè decidat, syndone foris delata, & erit hoc operanti pec-
catum. Idcirco in sacrario ministris præcipimus cum di-
ligentiã custodire. Pallę in alia pelui lauentur, in alia
vela.

*Ex decre.
Sotheris
papa, ca.
46.*

*Ex epist.
Clemen-
tis papa,
cap. 56.*

